

ԱՐՔԱՍՅԱՆ ԴՐԱՄՆԵՐԻ ԹՈՂԱՐԿՈՒՄԸ ԽԱԼԻՖԱԹԻ
«ԱՐՄԻՆԻԱ» ՆԱՀԱՆԳՈՒՄ VIII—X ԴԱՐՆԵՐՈՒՄ

Խ. Ա. ՄՈՒՇԵՂՅԱՆ

VIII դարի կեսին Արևելքում վերացավ Օմայանների տիրապետությունը: Պայքարը գերագույն իշխանության համար, որ ծայր էր առել արաբական աշխարհում Աբբասյանների ու Օմայանների միջև, ավարտվեց Աբբասյանների հաղթանակով: Օմայաններն ընդմիշտ հեռացան Արևելքի պատմության ասպարեզից և հաստատվեցին Իսլամիայում: Այդ ժամանակներից մինչև X դարի կեսը դրամագործության զարգացումը Հայաստանում, ինչպես Մերձավոր ու Միջին Արևելքի մյուս երկրներում, մեծապես կապված է եղել Աբբասյանների կամ այսպես կոչված՝ «Արևելյան խալիֆաթի» դրամային տնտեսության հետ: Հայաստանի այս շրջանի պատմության համար կարևոր նշանակություն ունեն տեղական կերտվածքի արբասյան դրամների վկայությունները: Երավոր հիշատակարանները, դժբախտաբար, տեղեկություններ չեն տալիս, թե Հայաստանում Աբբասյանների օրոք ինչպիսի դրամներ են թողարկվել, ժամանակագրական ու քաղաքական իմաստի ինչպիսի արձանագրություններով են դրանք օժտված եղել:

Սակայն հնագիտության զարգացման շնորհիվ մեզ են հասել բազմաթիվ հին դրամներ ու դրամային դանձեր, որոնք արժեքավոր նյութ են ընձեռում երկրի դրամային շրջանառության, քաղաքական պատմության, միջազգային կապերի և շատ այլ հարցերի քննության համար: Հայտնաբերված արևելյան դրամների զանգվածում ստվար խումբ են կազմում բուն Հայաստանում և Աղվանքում VIII—X դարերում թողարկված արբասյան դրամները:

Երանց հաղորդած վկայություններին անդրադարձել են արևելագետներից շատերը:

Այդ դրամները հրապարակվել են Քրիստիան Մարտին Ֆռենի¹, Գ. Յ. Տոբենբերգի², Ֆ. Սորեի³, Վ. Տիլենհաուզենի⁴, Ստենլի Լեն Պուլի⁵, Վ. Դորնի⁶,

¹ Ch. M. Fraehnii. Recensio Numorum Muhammedanorum, Petropoli, 1826, էջ 210; տե՛ս նաև Quinque centuriae Numorum anecdotorum Chalifarum cum Umeijadarum tum Abbasidarum, Petropoli, 1837, էջ 283—284.

² C. J. Torenberg. Numi Cufici Regii Numophylacii Holmiensis, Quos omnes in terra Sueciae Repertos, Upsaliae, 1844, էջ 6, 7, 79, 89—92, 94, 96, 100—103, 105, 247; C. J. Torenberg. Symbole ad rem Numariam Muhammedanorum, IV. Upsaliae, 1862, էջ 51.

³ F. Soret, Elements de la Numismatique Musulmane, Geneve, 1868, Extrait de la Revue de la Numismatique, Belge, 1864—65, էջ 95.

⁴ В. Тизенгаузен, Монеты Восточного халифата, СПб., 1873, էջ 323, 326, 338—340.

⁵ St. Lane Poole, Catalogue of oriental coins in the British Museum, I. London, 1875.

⁶ B. Dorn, Inventaire des monnaies (musulmanes) des Khalifes orientaux, St. Petersbourg, 1877.

Հ. Լավուայի⁷, Ա. Վալլի⁸, Իսմայիլ Ղալիբ Եղհեմի⁹, Հ. Նյուտցելի¹⁰, Ա. Մարկովի¹¹ և ուրիշների աշխատություններում:

Սակայն անցյալում Հայաստանի արքայազան զրամները ուսումնասիրվել են Արաբական խալիֆայի զրամագիտական ողջ նյութի ընդհանրության մեջ: Հայաստանին վերաբերող նրանց վկայությունները հատուկ քննության չեն ենթարկվել: Առաջին մեծ զործն այդ առումով կատարեց Ռոման Ֆասմերը:

Նկատի ունենալով մինչև XX դարի 30-ական թթ. թանգարաններում հավաքված արքայազան զրամների Արմինիայում թողարկված օրինակները, Ռ. Ֆասմերը մանրագնին քննեց զրանց վրա դրոշմված արձանագրությունները և զբաղվոր աղբյուրների բաղդատությամբ ստեղծեց Հայաստանում 750—887 թթ. իշխած արաբական էմիրների ժամանակագրությունը¹²:

Ռ. Ֆասմերի այդ զործը մինչև օրս էլ իր տեսակի մեջ մնում է կատարյալը և մեծապես կարևոր է Հայաստանի քաղաքական պատմության տվյալ շրջանի համար: Հետագայում հանդես եկավ զրամագետ Ե. Ա. Պախոմովը, որին վիճակվել էր շուրջ 60 տարի հավաքել և ուսումնասիրել Անդրկովկասում հայտնաբերված հին զրամներն ու զրամային զանձերը: Օգտվելով Ռ. Ֆասմերի աշխատության արդյունքներից, Ե. Ա. Պախոմովը դասակարգեց արաբական տիրապետության օրոք Անդրկովկասում թողարկված բոլոր զրամները, զրանց մանրամասն նկարագրություններով հանդերձ¹³: Ե. Ա. Պախոմովը իր մի շարք աշխատություններում հայտնեց այն միտքը, որ արաբների կողմից Արմինիայում զրամների թողարկման ղլխավոր կենտրոնը եղել է Աղվանքի մայրաքաղաք Պարտավը¹⁴: Սակայն Ե. Ա. Պախոմովի տեսակետը մասնագետների շրջանում լայն ընդունելություն չգտավ: Հիրավի, արաբական տիրակալության Արմինիա նահանգում Պարտավից բացի կային նաև առևտրի և արհեստագործության այլ նշանավոր քաղաքներ, որոնցում զարգացող ապրանքափոխանակությունը պահանջում էր զրամների մասսայական թողարկում: Այդպիսի վաճառաշահ կենտրոն էր նաև Դվին քաղաքը, ուր նույնպես, ամենայն հավանականությամբ, զրվագվում էին արքայազան զրամներ՝ ողջ նահանգի անունով¹⁵: Վերջին տարիներս մասնագետները հատուկ անդրադարձան այդ

⁷ H. Lavoix, Catalogue des monnaies musulmanes de la Bibliothèque Nationale, I, Paris, 1877.

⁸ A. Weyl, Verzeichnis der reichhaltigen Sammlung orientalischen Münzen des Fürsten G., Berlin, 1885.

⁹ I. Ghali b Edhem, Catalogue des monnaies des Khalifes (Musée Imperial Ottoman), Constantinople, 1891.

¹⁰ H. Nützel, Königliche Museen zu Berlin. Katalog der orientalischen Münzen, I, Berlin, 1898.

¹¹ А. Марков, Инвентарный каталог мусульманских монет императорского Эрмитажа, СПб., 1896.

¹² R. Vasmer, Chronologie arabischen Statthalter von Armenien unter den Abbasiden, von as-Saffach bis zur Krönung Aschots I, 750—887, Wien, 1931.

¹³ Է. Ա. Պախոմով, Монеты Азербайджана, вып. I, Баку, 1959, էջ 35—79; вып. II, Баку, 1963, էջ 81—156.

¹⁴ Է. Ա. Պախոմով, Монетные клады Азербайджана и Закавказья, Баку, 1926, էջ 22—23 (Труды общества обследования и изучения Азербайджана, вып. 3).

¹⁵ Մ. Ա. Мушегян, Денежное обращение Двина по нумизматическим данным, Ереван, 1962, էջ 21—23.

հարցին և մեկ անգամ ևս ընդգծվեց Ռ. Ֆասմերի ու նրա հետնորդների միանշանակ իրավացի պնդումը, որ աբբասյան դրամների թողարկումը Արևելյան Անդրկովկասում եղել է ինչպես բուն Հայաստանում, այնպես էլ Աղվանքում և Արևելյան Վրաստանում, որոնք մտնում էին Արմինիա անունը կրող նահանգի մեջ¹⁶:

Ե. Ա. Պախոմովի հավաքած և հրապարակած նյութերը թեև անհամեմատ ծավալուն էին, քան անցյալ ժամանակներինը, բայց այդուհանդերձ նրա տեսագաղափարը դուրս են մնացել Դվին քաղաքի պեղումներից ի հայտ եկած աբբասյան դրամներն ու դրամային դանձերը: Ավելին, նրա քննությունից դուրս են մնացել նաև Անի քաղաքի, ինչպես նաև Ամբերդ և Գառնի ամրոցների հնագիտական պեղումներից հայտնաբերված աբբասյան արծաթյա ու պղնձյա դրամները:

Դրանք բոլորը պահվում են Հայաստանի պատմության պետական թանգարանի դրամագիտության բաժնում: Արդ, հաշվի առնելով նորությունները և վերանայելով անցյալի հրատարակությունները, հնարավոր է դատել VIII—X դարերում Հայաստանում թողարկված աբբասյան դրամների, ինչպես նաև դրանց արձանագրությունների ու ժամանակագրության մասին:

Եվ այսպես, VIII դարի երկրորդ կեսին Օմայաններն անվերադարձ հեռացել էին Արևելքից: Քաղաքական ասպարեկում գերիշխանությունն անցել էր Աբբասյանների ձեռքը: Այդ իրողությունն արտացոլված է վաղ աբբասյան դրամներով: Բազմաթիվ փողերանոցներում միաժամանակ գրվազվել են աբբասյան դրամներ: Մական դրանց թողարկումը Աբբասյանների կողմից սկսվեց իշխանության գլուխն անցնելուց հետո ոչ անմիջապես, այլ մի փոքր ուշացումով (տարբեր նահանգներում տարբեր չափով):

Աբբասյան առաջին խալիֆ Աբու-Աբբաս ա-Սաֆֆախի (132—136=750—754) իշխանության տարիներին Արմինիայում դրամներ չեն թողարկվել: Համենայն դեպս, մինչև օրս այդպիսիները հայտնի չեն: Աբբասյան դրամների վանդվածային թողարկումը Հայաստանում սկսվել է խալիֆ Աբու-Ջաֆար Աբդ-Ալլահ ալ-Մանսուրի զահակալության (136—158=754—775) տարիներին: Սկստենք, որ թեև սկզբնական շրջանում օմայան դրամների թողարկումը դադարեցված էր, բայց շրջանառության ոլորտից դրանք դուրս չէին հանվել: Ալ-Մանսուրի և նրա անմիջական հաջորդների ժամանակներում օմայան դրամների առկայությունը շրջաբերության մեջ ակնհայտ էր: Հին (օմայան) դրամները նոր (աբբասյան) դրամների հետ հավասարապես ընդունվում էին առևտրում: Եվ այդ երևույթը զարմանալի չէ: Աբբասյանները չէին վրոխել օմայան խալիֆ Աբդ-ալ-Մելիքի ունիթումով սահմանված արաբական դրամա-կշռային սխեմները: Աբբասյանները ևս, Օմայանների նման, թողարկում էին ոսկյա, արծաթյա, պղնձյա դրամներ: Ոսկե դրամը շարունակվում էր անվանվել դինար և գրվազվում էր միջազգային շուկայում Օմայանների ժամանակներից ընդունված 4,25 գրամ քաշով: Արաբական ոսկե դրամը Աբբասյանների վաղ ժամանակներում գրվազվում էր միայն խալիֆաթի մայրաքաղաքում՝ Բաղդադում, որի անունը մինչև 199 (814/15) թ. դինարների վրա չէր արձանագրվում:

¹⁶ Г. Н. Джапаридзе, Из истории арабской нумизматики и метрологии IX—X вв., автореферат диссертации, Тбилиси, 1968, т. 7—9.

ղրվում: Հետագայում Բաղդադում թողարկված գրամների վրա փողերանոցի անունը հիշատակվում էր *السلطان* «խաղաղության քաղաք» ձևով:

Հայաստանում և հարևան երկրներում VIII դարի երկրորդ կեսին ոսկե գրամներ չեն թողարկվել: Ընդհանրապես վաղաբբասյան ոսկե գրամների, հաղվադեպ են և ապրանքափոխանակության գործարքներում նկատելիորեն հանդես չեն եկել:

Հիմնական գրամային միավորը, ինչպես և անցյալում, եղել է դիրհամ կոչված արծաթ դրամը, որը մասսայաբար թողարկվում էր խալիֆաթի տարբեր երկրներում, այդ թվում և Հայաստանում: Պահպանելով 696/97 թթ. գրամային ռեֆորմով հաստատված հատուկ կշռային չափը՝ 2,97 գրամ արծաթյուրաքանչյուր դիրհամի համար, Աբբասյանները բարձր էին պահում նաև արծաթյա գրամային միավորի արժանապատվությունը մետաղի զտության առումով: Ինչ վերաբերում է պղնձյա գրամներին, ապա դրանք, ինչպես միշտ, Աբբասյանների կողմից ևս թողարկվում էին ներքին շուկայի, մանր առուծախի համար: Պղնձյա գրամները կայուն կշռային չափերով հանդես չէին գալիս: Դրամագյուտներից ելնելով կարելի է ասել, որ աբբասյան պղնձյա գրամները թողարկվել են մեծ մասամբ 3—5 գրամ քաշով: Պղնձյա գրամն արաբական աշխարհում, ինչպես Օմայանների ժամանակ, կոչվում էր ֆելս (բյուզանդական *ϕελλος* (ֆոլիս) բառից, որ հայերի մոտ հայտնի էր «փող» ձևով): Ընդհանուր առմամբ, վաղաբբասյան ժամանակներում թողարկվող գրամների թե՛ կշռային չափերը, և թե՛ անվանումները չէին փոխվել: Չէին փոխվել նաև գրամների թողարկման տեխնիկական հնարավորությունները, գրամագործության աշխատանքային գործիքները: Դրվագումը կատարվում էր ձեռքի աշխատանքով: Ձուլման կաղապարների և կնիքների պատրաստման եղանակները նույնն էին մնացել: Դրամագործության արհեստանոցներում, ինչպես և անցյալում, աշխատանքը բաժանված է եղել տարբեր մասնագիտության (ձուլող, դրվագող ու ստուգող և այլ) վարպետների միջև: Վարպետներից մի քանիսը պատրաստում էին կնքման ենթակա գրամների հատածույլերը, մյուսները նախապես փորագրված կնիքների միջոցով կատարում էին դրվագումը, երրորդները՝ ստուգում կշիռը և մետաղի զտությունը: Այնուհետև կատարվում էին գրամային միավորների հաշվարկը, պահպանումը, հանձնումը և այլ աշխատանքներ, որոնք բնորոշ էին գրամագործությանը ղեռն անցյալից: Սակայն փոխվել էին իշխողները և այդ փոփոխությունն էր, որ արտացոլվում էր թողարկվող գրամների վրայի արձանագրություններում: Աբբասյանները, հավատարիմ մնալով ուղղափառ իսլամին, ղերծ էին պահում իրենց գրամները կենդանական կամ մարդկային պատկերներից: Դրամների վրա երկու կողմից դրոշմում էին քուֆի դրով արաբերեն արձանագրություններ: Նախապես նշենք, որ ոսկե ու արծաթե գրամները թողարկվում էին, ինչպես անցյալում, բացառապես խալիֆների հրամանով: Տեղական էմիրները իրավունք ունեին թողարկել միայն պղնձյա գրամներ:

Ժամանակագրական առումով Աբբասյանների կողմից Արմինիայում թողարկված վաղագույն արծաթ գրամը վերաբերում է հիջրայի 143 (==մ. թ. 760/761) թ.: Նրա վրա պահպանվել են քուֆի դրով հետևյալ արձանագրությունները.

Ա կողմ. կենտրոնում, շրջագծի մեջ,
երեք տողով.

لا اله الا
الله وحده
لا شريك له

շուրջը՝

بسم الله ضرب هذا الدرهم بامر مينة
سنة ثلاث و أربعين مئة

և այդ ամենը վերցված է շուրս եզրա-
փակ շրջագծերի մեջ, որոնց միջև նշ-
ված են երեք զույգ և երեք կենտ փոք-
րիկ օղակներ:

Ի կողմ. կենտրոնում, շրջագծի մեջ,
երեք տողով.

محمد
رسول
الله

շուրջը՝

محمد رسول الله ارسله بالهدى ودين
الحق ليظوره على الدين كله و لو
كره المشركون

և այս ամենը վերցված է երկու շրջա-
գծերի մեջ, որոնց միջև նշված են հինգ
փոքրիկ օղակներ, միմյանցից հավա-
սար հեռավորության վրա:

Արծաթյա այս դրամը (կշիռը՝ 2,91 գրամ, տրամագիծը՝ 27 միլիմետր:
ներկայումս պահվում է Պետական էրմիտաժում (Լենինգրադ)¹⁷: Նույն արծա-
նագրություններով արծաթյա գրամներից ուրիշ օրինակներ պահվում են նաև
այլ թանգարաններում¹⁸: Ինչպես տեսնում ենք, դրամի մի կողմի (Ա) կենտ-
րոնում ներկայացված է իսլամի կրոնական բանաձևի առաջին մասը երեք տո-
ղով, այն է՝ «Չկա աստվածություն բացի Ալլահից միակ չկա նրան հավա-
սարը»: Դրա շուրջը արծանագրված է, որ հանուն Ալլահի գրվագված է այս դիր-
հեմը Արմինիայում, 143 թ.: Ըստ իմաստի և ձևավորման այս արծանագրու-
թյունները կրկնում էին Օմայանների ժամանակներից հայտնի կրոնական զոգ-
մաները, և Աբբասյանները նորություն հանդես չէին բերում: Սակայն ի տար-
բերություն Օմայանների, գրամների վրա Աբբասյանները այլևս չէին հիշա-
տակում Ղուրանի 112-րդ գլխից քաղված խոսքերը: Աբբասյանները իբրև դե-
վիդ ընտրել էին محمد رسول الله («Մուհամմեդն առաքյալն է ալլահի»)

ասույթը և դրոշմելով այն դրամի հակառակ (Բ) կողմի կենտրոնում, դրանով
իսկ ամբողջական էին դարձրել իրենց հավատի բանաձևը իր երկու հիմնական
մասերով: Հենց այդտեղ էլ շրջանավոր գրությամբ ներկայացվում էր Ղուրա-
նի IX գլխի XXXIII ոտանավորից և LXI գլխի IX ոտանավորից քաղված ա-
սույթն այն մասին, որ Մուհամմեդը ալլահի առաքյալն է, նրա կողմից ուղարկ-
ված առաջնորդությամբ և մաքուր հավատով, որպեսզի այդ հավատը հաղթող
դարձնի բոլոր այլ հավատների վրա հակառակ կռապաշտների դիմադրու-
թյան: Ըստ էության այս շրջանավոր արծանագրությամբ շարունակվում էր
նույն կողմի կենտրոնական գրության միտքը, որը և դարձավ առավել բնո-
րոշ արբասյան գրամների համար: Ուշագրավ է նաև այն, որ այս սկզբնական

¹⁷ Государственный Эрмитаж. Рукописный каталог Восточных монет. № 41/48.

¹⁸ В. Тизенгаузен. № 727; H. Lavoix, I, № 610; St. Lane Poole, I, № 28;
H. Nützel, I, № 638.

շրջանում դրամների վրա տակավին չէին արձանագրվում աշխարհիկ բնույթի անուններ: Այդպես վարվում էին Օմայյանները և նույնը շարունակեցին առաջին Աբբասյան խալիֆները: Բացառապես կրոնական իմաստի (մուսուլմանական) վերը հիշատակված արձանագրություններով արժաթ դրամներ Արմինիայում թողարկվել են հիշրայի 144—151 (761/62—768/69) թթ.¹⁹: Աղվանքում այդ նույնը դիտվում է հիշրայի 145—151 (762/63—768/69) թթ. դրամների վրա²⁰: Առանց իշխանական անունների հիշատակման արժաթյա դրամների թողարկումը արտակարգ չէր Արմինիա նահանգի համար: Այն ընդունված էր ողջ Խալիֆայում, ըստ որում բացառապես թանկարժեք մետաղների համար: Ինչ վերաբերում է պղնձյա դրամներին, ապա հիշրայի 142 (759/60) և 143 (760/61) թթ. Պարտավում թողարկվել են ֆելսեր աբբասյան էմիր Յադիդ իբն Ուսայդի (աս-Սուլամի) անվան արձանագրությամբ: Դրանք Արմինիայում թողարկված վաղագույն աբբասյան պղնձյա դրամներն են:

VIII դարի 60-ական թթ. աբբասյան դրամների վրա արձանագրությունները դառնում են առավել ընդարձակ, որով և նոր տվյալներ են ներկայացնում քաղաքական պատմությանը: Արձանագրությունների ընդարձակությամբ ձեռք բերելով որոշակի ինքնատիպություն, հենց այդ ժամանակվանից աբբասյան դրամները հիմնովին կտրվեցին անցյալի սովորական, հաճախ ղուտ կրոնական բնույթի ասույթներ ներկայացնող սխեմաներից: Այսպես, խալիֆ ալ-Մանսուրը դրամների վրա արձանագրում է իր որդու՝ Մուհամմեդ ալ-Մահդիի անունը, ներկայացնելով նրան իբրև ուղղահավատների տիրոջ որդին, այսինքն՝ Խալիֆայի գահի թեկնածուն: Ավելին, դրամների վրա արձանագրություններով հիշատակվում են ոչ միայն զահաժառանգների, այլև նահանգային փոխարքաների անունները:

Արմինիա նահանգում այդպիսի դրամներ թողարկվել են թե՛ արժաթից, և թե՛ պղնձից, որոնցից առանձին օրինակներ պահվում են տարբեր թանգարաններում:

Ապրանքափոխանակության և դրամների թողարկման գլխավոր կենտրոնները Դվին և Պարտավ քաղաքներն էին, շնայած առանձին դեպքերում դրամներ հատվում էին նաև այլ քաղաքներում: Այս շրջանում դրամների վրա դրոշմած արձանագրությունները ներկայացնում էին հետևյալ բնորոշ տվյալները:

Արմինիա, դիրհեմ, 153 (770) p.

Ա. կողմ. կենտրոնում, շրջագծի մեջ, Երեք տողով. Բ. կողմ. կենտրոնում, շրջագծի մեջ, երեք տողով.

لا اله الا

الله وحده

لا شريك له

مما أمر به

المهدي محمد

بن امير المؤمنين

¹⁹ В. Тизенгаузен, №№ 728, 742, 753, 763, 775, 785, 2763a; Н. Lavoix, №№ 611, 612; Н. Nützel, №№ 639—643; Государственный Эрмитаж, Рукописный каталог восточных монет, №№ 42/45, 44/72, 44e/82a, 45/87, 46/103a, 47/109; St. Lane Poole, I, t. 29; Р. Шерцль, Описание медалей и монет имп. Харьковского университета, Харьков, 1912, №№ 5585, 5896.

²⁰ Н. Nützel, I, № 635; St. Lane Poole, I, t. 25—26; В. Тизенгаузен, №№ 754, 766, 776; Государственный Эрмитаж, Рукописный каталог, №№ 35/65a, 36/66, 110/37; Е. А. Пахомов, Монеты Азербайджана, вып. I, t. 66.

շուրջը՝

بسم الله ضرب هذا الدرهم بarmiye
سنة ثلث وخمسين ومئة

և այս ամենը երիզափակ շրջագծերի
մեջ:

շուրջը՝

محمد رسول الله ارسله بالهدى
و دين الحق ليظهره على الدين كله
ولو كره المشركون

վերևում, երիզագծի վրա նշված է
Եկա:

Դրամի Բ կողմի եղրագծին մոտ նշված Եկա անունը վերաբերում է Հայաստանի նահանգապետ Մուսլիմի որդի Բակկարին, որից հետո այդ պաշտոնին նշանակվեց Քախտաբի որդի ալ-Հասանը: Վերջինիս անունը հիշատակված է 154 (770/71)–158 (774/75) թթ. Աղվանքում և Հայաստանում թողարկված դրամների վրա: Հետագայում, Մուհամմեդ ալ-Մահդիի (158–169 = 775–785) խալիֆայության տարիներին, դրամների վրա հաճախ մաղթանքի («Թող փառաբանի ու պահպանի նրան ալլահը») صلى الله عليه وسلم խոսքերի հետ միաժամանակ նշվում էին նրա երկու գահաժառանգների՝ ալ-Հադիի ու Հարունի անունները, ըստ որում առաջինի համար արձանագրվում էր ولي عهد المسلمين («գահաժառանգը մուսուլմանների»), իսկ երկրորդի համար պարզապես امير المؤمنين («որդին ուղղահավատների տիրոջ»): Այսպիսի արձանագրությունները, որ դրոշմում էին դրամի վրա, անփոփոխ մնացին խալիֆ Մուսա ալ-Հադիի (169–170 = 785–786) օրոք, երբ գահաժառանգի տիտղոսը վերաբերում էր Հարունին: Վերջինիս վիճակված էր մեկ տարի անց Աբբասյանների գահի վրա փոխարինելու իր եղբորը: Դրամների վրա եղած գրությունները դառնում են ավելի ծավալուն Հարուն-առ Ռաշիդի (170–193 = 786–809) խալիֆայության տարիներին: Հիշատակվում էին նախ Հարունի ավագ որդու՝ Մուհամմեդ ալ-Ամինի և այնուհետև կրտսեր որդու՝ ալ-Մամունի անունները: Նախապատվությունը տրված էր ալ-Ամինին, որի անունը դրամների վրա ներկայացվում էր թե՛ իբրև գահաժառանգի, և թե՛ իբրև ուղղահավատների տիրոջ (խալիֆի) որդու. الامين ولي عهد المسلمين. Իսկ իր՝ խալիֆ Հարուն առ-Ռաշիդի անունը դրամների վրա արձանագրվում էր լակոնիկ ձևով. الخليفة هو و. Այդ ձևը որոշ շեղումներով դիտվում է նրա անմիջական հաջորդի՝ Մուհամմեդ ալ-Ամինի (193–198 = 809–813) խալիֆայության տարիներին. الخليفة محمد. Այնուհետև الامير المؤمنين և الامين محمد امير المؤمنين արձանագրություններով: Ուշագրավ է, որ ի տարբերություն այլ երկրամասերի, Հայաստանում և Աղվանքում մինչև հիջրայի 195 (810/11) թ. դրամների վրա չէր հիշատակվում ալ-Մամունի անունը, մինչդեռ Միջին Ասիայում, օրինակ, ալ-Մամունը, դեռևս Հարունի կենդանության օրոք ներկայացվում էր որպես երկրորդ գահաժառանգը. الامير المامون عبد الله بن امير المؤمنين. Այս իրողությունը հազիվ թե պատահականու.

թյուն համարվի։ Այն լուելյան վկայում է Հայաստանում ալ-Մամունի կողմնակիցների բացակայությունը։ Մեկ տարի անց իրադրությունը փոխվում է. հիջրայի 196 (811/12) թ. Աղվանքում ալ-Մամունը դրամների վրա հիշատակվում է արդեն որպես խալիֆ, չնայած ալ-Ամինը դեռ մնում էր խալիֆաթի գահին։ Սակայն Հայաստանի տարբեր գավառներում ալ-Մամունի իրավունքը միաժամանակ շրնդունվեց։ Պահպանվել են նույն տարեթվով դրամներ, թողարկված Ապահունիքում, որոնց վրա արձանագրված է ալ-Ամինի անունը։

الامين محمد امير المومنين. Հետագայում, երբ արդեն ալ-Մամունը դարձել էր Աբբասյանների գահի անբաժան տիրակալը, Հայաստանում դրամների վրա հաճախ արձանագրվում էր իբրև մահմեդականների հոգևոր հայրը՝ الامام المامون امير المومنين. Դժոխարանքի այս ձևը շատ բնորոշ դարձավ ալ-Մամունի համար, թեև թողարկվում էին դրամներ, որոնց վրա նա հիշատակվում էր պարզապես الخليفة المامون «խալիֆ Մամուն» ձևով։

Աբբասյան դրամների վրա արձանագրությունները շատ ավելի ընդարձակ դարձան ալ-Մամունի իշխանության տարիներին, մասնավորապես հիջրայի 199 (814/15) թ. հետո։

Սակայն արձանագրությունների ծավալուն դառնալը կատարվում էր զուտ կրոնական բնույթի նոր լուղունգների առաջ քաշման նպատակով։ Թեափորված իր հաղթանակներով, ալ-Մամունը միաժամանակ ուղղափառ իսլամի մոլեռանդ ջատագովը եղավ։ Դրամների վրա մինչ այդ եղած և մշտապես կրկրնվող կոչերին ավելացան նաև Ղուրանի XXXI գլխի IV և V ոտանավորներից քաղված խոսքերը. المومنون بعد و يومئذ يفرح المومنون لله الامر من قبل و من بعد و يومئذ يفرح المومنون «Եվ, իհարկե, և անհավանական է իշխանությունը նախապես և վերջում ու կգա ժամանակ, երբ ուղղահավատները կուրախանան Ալլահի օգնությամբ»։ Բացարձակապես կրոնական իմաստի այս խոսքերը արձանագրվում էին դրամի կենտրոնական մասի շուրջը և դրանով իսկ մի կողմի վրա դիտվում էին երկու շրջանավոր գրություններ՝ ներքին, որով հաղորդվում էր ժամանակի և տեղի մասին և արտաքին, որը ներկայացնում էր Ղուրանից քաղված վերոհիշյալ մատյանքը։ Հետագայում այդ նորամուծությունը ընդունվեց ու լայնորեն տարածվեց, դառնալով կանոնիկ ձև ոչ միայն Աբբասյանների, այլև խալիֆաթի քայքայման շրջանում մահմեդական շատ դինաստիաների դրամների համար։ խալիֆ ալ-Մամունի (195—218=811—833) գահակալության վերջին տարիներին Հայաստանում դրամների վրա հիշատակվեց նրա որդու՝ ալ-Աբբասի անունը. العباس بن امير المومنين.

խալիֆաթի քայքայման պրոցեսը, որ IX դարի 30-ական թթ. բացահայտ էր դարձել, առաջ բերեց նոր պահանջներ դրամների վրա ներկայացվող արձանագրությունների համար։ խալիֆ ալ-Մուտասիմ Բիլլահի (218—227=833—842) իշխանության տարիներին վերջ տրվեց ծավալուն արձանագրություններին, որոնք մեծապես կրճատվեցին։ Սակայն այդ կրճատումը կատարվեց ոչ երբեք իսլամի կրոնական կոչերի հաշվին, այլ բացարձակապես աշխարհիկ անունների վերացման նպատակով։ Լրիվ պահպանելով Ղուրանից քաղված ասույթները, որոնցով այնքան առատ օժտված էին աբբասյան դրամ-

ները, նոր թողարկված դիրհեմների ու ֆելսերի վրա այլևս չէին հիշատակվում տեղական նահանգապետների և նրանց փոխանորդների անունները: Այսպիսով հիշրայի 218 (833) թ. արբասյան դրամների վրա բացի խալիֆի և նրա գահաժառանգների անուններից ուրիշ և ոչ մի անուն պաշտոնապես չէր արձանագրվում: Բացի դրանից, IX դարի 30-ական թթ. դրամների վրա խալիֆները հիշատակվում էին նոր ձևով, ոչ թե անձնանուններով, ինչպես ալ-Մամունի և նրա նախորդների ժամանակներում, այլ իրենց պատվանուններով, որոնք արտահայտում էին իսլամի դրոշը կրող վեհապետների փառաբանության զանազանությունները: Այդ առումով էլ խալիֆ ալ-Մուտավաբիլի գահակալության (232—247=847—861) տարիներին Հայաստանում և Աղվանքում թողարկված դրամների վրա արձանագրված են միայն երկու իշխանական անուններ, մի կողմից վեհապետի պատվանունը, իսկ մյուս կողմից՝ նրա որդու (գահաժառանգի) Աբու-Աբդալլահի անձնանունը: Այդ սկզբունքը շարունակվում է խալիֆ ալ-Մուստահին Բիլլահի (248—252=862—866) օրոք և այնուհետև հաջորդող բոլոր արբասյան խալիֆների ժամանակ դառնում մշտապես ընդունված՝ ձև:

Արդեն IX դարի վերջերին և X դարում խալիֆաթի ներսում առաջացած առանձին կիսանկախ ու անկախ էմիրությունները ևս որդեգրում են դրամների վրա իշխանական անունների հիշատակման այդ ձևը. ըստ որում թե՛ խալիֆի պատվանունը, և թե՛ նոր դինաստի անունը դրոշմում էին դրամի կենտրոնական մասում, հավատի խոսքերի տակ:

Այդ ժամանակներում արբասյան խալիֆները կորցրել էին իրենց երբեմնի ունեցած աշխարհիկ դերն ու նշանակությունը և նոր առաջացած դինաստիաների կողմից ընդունվում էին լոկ որպես իսլամական աշխարհի հոգևոր առաջնորդներ: Սաջյանները Հայաստանում և Աղվանքում, Ջաֆարյանները Վրաստանում դրամներ էին թողարկում, որոնց վրա մի կողմից հիշատակվում էին խալիֆի պատվանունը, իսկ մյուս կողմից՝ իրենց իշխանապետի անունը: Խալիֆների պատվանունների հիշատակությունը նոր դինաստիաների կողմից թողարկվող դրամների վրա հաճախ զուտ ձևական բնույթ էր կրում: Սաջյանների դրամները հաղվադեպ են և թողարկվել են մեծ մասամբ արծաթից ու ոսկուց: Ներքին շրջանառության համար անհրաժեշտ պղնձյա դրամներ ոչ Սաջյանները, և ոչ էլ նրանց հաջորդները Հայաստանում չեն թողարկել: Սաջյանների արծաթյա դրամները, լինելով շատ նման արբասյան արծաթ դրամներին, շրջանառության մեջ աննկատելի էին մնում վերջիններիս հոծ զանգվածում, որոնք լայնորեն տարածված էին միջազգային առևտրում:

Բարձրագույն իշխանական անունների փոփոխությունները դրամների վրա արտացոլում էին քաղաքական կյանքում կատարված փոփոխությունները: Սակայն կային անուններ, որոնք արձանագրվում էին դրամների վրա միշտ մնալով անփոփոխ, ինչպես Օմայանների, ալնպես էլ Աբբասյանների ժամանակ: Դրանք երկրների ու քաղաքների անուններն էին: Դրամի վրա բառացիորեն արձանագրվում էր, թե որտեղ և երբ է այն գրվագվել: Տեղանունների հիշատակությունները ցույց են տալիս, որ շուրջ երկու հարյուր տարի արբասյան դրամների թողարկումը կատարվել է առավելապես Արմինիա նահանգի անունով: Քաղաքներից դրամներով հայտնի էին Դվինը, Պարտավը, Դերբենդը, Մաադին Բաջունայսը և ուրիշներ: Սակայն թողարկումը կատարվել է քիչ թե շատ ընդհատումներով: Բացառված չէ, որ որոշ տարիներից դրամագիտական վկայու-

թյուններ պարզապես չեն պահպանվել: Աբբասյան դրամների թողարկումը արձանագրվել է հետևյալ տեղանուններով.

Փողեբանոցների անվանումները և նրանց զործունեության տարեթվերը
(լստ պահպանված դրամների)

1.	المزبدية	ալ-Յազիդիա, հիջրայի 140 (757/58)—150 (767/68) թթ.
2.	بردعة	Պարտավ » 142 (759/60)—330 (941/42)
3.	ارمينية	Արմինիա » 143 (760/61)—332 (943/44),
4.	اراب	Աղվանք » 145 (762/63)—197 (812/13)
5.	الباب	Դերբենդ » 153 (770) —178 (794/95)
6.	دبيل	Դվին » 159 (775/76)—240 (854/55)
7.	هرو اباد	Հարունաբադ » 168 (784/85)—169 (785/86)
8.	الجرونية	ալ-Հարունիա » 169 (785/86)—171 (787/88)
9.	معدن باجنيس	Ապահունիք » 183 (799/800)—216 (831/32)
10.	مدينة اران	քաղաք Աղվանք » 197 (812/13)—220 (835)
11.	تفليس	Թիֆլիս » 210 (825/26)—331 (942/43)
12.	ارض الغزر	Արդ-ալ-նազառ » 223 (837/38)—(Եզակի օրինակ)
13.	بد ليس	Բիթլիս » 301 (913/914) «

Այսպիսով, եթե նկատի առնենք բուն Հայաստանում և Աղվանքում արբասյան դրամների թողարկման հիմնական կենտրոնների մասին պահպանված դրամագիտական վկայությունները, ապա որոշակի է, որ դրվագումը կատարվել է առավելապես Արմինիա անունով, ըստ որում դրեթե անրնդմեջ Փողեբանոցների մնացած անունները դրամներով ներկայանում են համեմատաբար նվազ չափով:

Հաղվագյուտ վկայություններից է հիջրայի 140 (757—58) թ. ալ-Յազիդի քաղաքի անունը, որը Աբբասյանները դրվագել են պղնձյա դրամների: Հաստատապես հայտնի է, թե որտեղ է գտնվել այդ ալ-Յազիդի քաղաքը: Պրոֆեսոր Խ. Ա. Պախոմովի կարծիքով, այն հավանաբար պետք է լինի Նամախու շրջանում, Գյուլիստան կոչվող ամրոցի մոտ²¹: Հնագիտական պեղումները կարող են առաջիկայում պարզել այդ հարցը: Արևելյան Վրաստանում արբասյան դրամների թողարկումը կատարվել է ընդհատումներով և շատ ավելի քիչ, քան բուն Հայաստանում: Դրամների դրվագման միակ կենտրոնը Վրաստանում եղել է Թիֆլիս քաղաքը: Վերջինիս անունից պահպանվել են արբասյան արծաթյա դրամներ հիջրայի 210 (825—26), 248 (862—63), 250 (864—65), 287 (900), 294 (906—67), 297 (909—10), 298 (910—11), 304 (916—17), 307 (919—20), 311 (923—24), 312 (924—25), 330 (941—42) և 331 (942—43) տարեթվերով²²:

²¹ Е. А. Пахомов, Монеты Азербайджана, I, էջ 60.

²² Е. А. Пахомов, Монеты Грузии, Тбилиси, 1970, էջ 39—45; Государственный Эрмитаж, Рукописный каталог восточных монет, №№ 889, 978, 1006, 1070.

Բացառիկ վկայություն է շուրջ երկու-երեք տարվա տևողությամբ Հարունաբադ և ալ-Հարունիա քաղաքներում դրամների թողարկումը: Հարունաբադից հայտնի են 168 (784—85), 169 (785—86), իսկ ալ-Հարունիայից՝ 169 (785—86), 170 (786—87) և 171 (787—88) տարեթվերով արբասյան դրամներ²³: Դրանց վրա արձանագրված է Հայաստանի էմիր հազիմի որդի հուղեյմայի անունը: Սակայն թե Հայկական լեռնաշխարհի որ մասում են եղել այդ քաղաքները՝ մինչև օրս ստույգ հայտնի չէ: Դրամների ծագման ժամանակը և տեղանվան արմատական իմաստը ստիպում է մտածել, որ դրանք երևան են եկել Հարուն առ-Ռաշիդի գործունեության հետ կապված, նրա անունը հավերժացնելու նպատակով: Հիշրայի 168 (784—85)—169 (785—86) թթ. Հարունը իր հոր՝ Մուհամմեդ ալ-Մահդիի և այնուհետև եղբոր՝ Մուսա ալ-Հադիի (169—170—785—786) խալիֆայության տարիներին դրամների վրա հիշատակվում էր իբրև գահաժառանգ: Սակայն, որ Հարունաբադ քաղաքը եղել է Հայաստանում, որոշակի է ոչ միայն տվյալ տարիներին իշխող էմիրի անունից, այլև այն փաստից, որ 168 (784—85) և 169 (785—86) թթ. թողարկված այդ դրամների վրա կենտրոնական տեղում նշված է Հայաստանի արաբական անունը *أَلمَمْلِكَة*²⁴: Նույնը պետք է ասել և ալ-Հարունիայի վերաբերյալ. մասնավորապես նրա 169 (785—86) տարեթվով դիրհեմի վրա արձանագրված է *أَلمَمْلِكَة*, անունը²⁵: Աշխարհագրագետ Յակուտ ալ-Համավին հիշատակում է ալ-Հարունիան իբրև փոքր քաղաք կամ ամրոց Մարաշի մոտ, Ասորիքի սահմանագլխին²⁶: Հայկական աղբյուրները այդ մասին տեղեկություններ չեն տալիս:

Հետևաբար անմիջական ցուցմունքները Հարունաբադի և ալ-Հարունիայի մասին մեզ հաղորդում են իրենք՝ դրամները, որոնց վրա նշված է Արմինիա անունը, հավանաբար պարզաբանելու համար, որ հենց այդ երկրում էլ գտնվել են այն փողերանոցները, ուր դրվագվել են դրամները:

Հիմք ընդունելով դրամագիտական այս կոնկրետ վկայությունը, վ. Անդերսոնը միանգամայն իրավացի ենթադրում է, որ ալ-Հարունիա և Հարունաբադ տեղանունները, լինի քաղաք թե ամրոց, վերաբերում են միևնույն տեղին և ծագել են հիշրայի 168—171 թթ. հարավային Հայաստանում, թերևս Վանա լճի ավազանում, ուր առևտրի շատ հայաբնակ կենտրոններ կային²⁷: Այս տեսակետը թեև հավանական է և նորություն՝ Հայաստանում IX դարի վերջի քաղաքային կյանքի պատմության մեջ, այդուհանդերձ հնթակա է լրացուցիչ հաստատման: Ուշագրավ է նաև Մահդին Բաջունայս փողերանոցի տեղագրության հարցը: Այդտեղ թողարկվել են միայն արծաթ դրամներ, ըստ որում պահպանված օրինակներից ամենավաղը կրում է հիշրայի 183

²³ Государственный Эрмитаж, Рукописный каталог восточных монет, №№ 276, 277, 297—299, 578, 579; В. Тизенгаузен, №№ 1088—1090, 1051, 1076, 1117—1119, 1142, 1143.

²⁴ А. Марков, № 292, № 315; В. Тизенгаузен, №№ 1051, 1076.

²⁵ St. Lane Poole, I, № 133; H. Lavoix, I, № 737; W. Anderson, Der Chalifenmünzfund von Kochtel, Dorpat, 1926, № 73.

²⁶ «Արաբական աղբյուրները Հայաստանի և հարևան երկրների մասին», կազմեց Հ. Բ. Նաիրանդյան, Երևան, 1965, էջ 108:

²⁷ W. Anderson, էջ 20—25, № 73(174):

(799—800) տարեթիվը, իսկ ամենաուշը՝ 216 (831—32)։ Շուրջ երեսուն տարվա տևողությամբ IX դարի սկզբից դործող այդ փողերանոցի տեղը երկար ժամանակ համարվում էր Հայաստանի Բագին դավառը, Ամիդից Մալաթիա տանող ճանապարհի վրա, ուր մետաղի հանքերով հայտնի էր Մաադին քաղաքը²⁸։ Սակայն Մ. Ղազարյանի²⁹, Ն. Ադոնցի³⁰ և Ռ. Ֆասմերի³¹ պըրպըտումները հիմք են տալիս կարծելու, որ Բաջունայսը հայկական Վաթնունիք անվան արաբական ձևն է։ Վաթնունիքը գտնվել է Տուրուբերան աշխարհում, նլաթից հյուսիս։ Արաբական աղբյուրների ծանոթագրություններում Բաջունայսը հիշատակվում է Մանազկերտից արևմուտք, Ապահունիք գավառում³²։ Ուրեմն Մաադեն Բաջունայսի տեղը հարավ-արևմուտյան Հայաստանում է, Վանա ծովի ավազանի արևմտյան մասում։ Սակայն վերջնական պարզաբանությունը մնում է հնադիտությունը։

Փողերանոցների անվանացուցակում IX դարի սկզբին նկատվում է մի ուշագրավ լրացում։ Հիշրայի 197 (812—13) թ. Աղվանքում թողարկված արծաթ դրամների վրա տեղանունը արձանագրվում է ոչ թե ինչպես մինչ այդ, այլ مدینة اراغ («Աղվանքի քաղաքում») ձևով։ Գրավոր աղբյուրները չեն հաղորդում, թե քաղաքներից որն էր նկատի առնված։ Աբբասյանների ժամանակ Աղվանքում կային մի քանի քաղաքներ, որոնցից ամենանշանավորը Պարտավն էր։ Վերջինս IX—X դարերում լինելով առևտրի ու արհեստագործության խոշոր կենտրոն, հնարավոր է, որ դրամների վրա հիշատակվեի։ مدینة اراغ ձևով, ինչպես Բաղդադը հայտնի էր مدینة السلام անվանումով։ Արաբ մատենագիրներից ալ-Մակդիսին Պարտավի մասին խոսելիս նրան բնորոշում է որպես «Բաղդադն այս երկրի»³³։ Բացառված չէ, որ աբբասյան դրամներ կարող էին թողարկվել նաև Բայլականում կամ Գյանջայում, սակայն դրանք Պարտավի համեմատությամբ փոքր քաղաքներ էին Աղվանքի մեջ։ Նկատենք, որ مدینة اراغ տեղանունով գրվադվել են բացառապես արծաթյա դրամներ, ըստ որում այդ կարգի դիրհամները թողարկվել են շուրջ քսան տարի տևողությամբ, առավելապես ալ-Մամունի (195—218=811—833) խալիֆայության ժամանակ։ Հետադաշում տեղանվան այդ ձևը այլևս երբևր հանդես չեկավ։ Վերջին արաբսյան դրամը, որի վրա արձանագրված է مدینة اراغ («Աղվանքի քաղաքում») վերաբերում է հիշրայի 220 (835) թ.։ Եթե նկատի ունենանք,

²⁸ В. Тизенгаузен, т. 2 XXX.

²⁹ М. Chazarian, *Armenian under der arabischen Herrschaft*, Marburg, 1903, т. 2 74—75.

³⁰ Н. Адонц, *Армения в эпоху Юстиниана*, Ереван, 1971, т. 2 314.

³¹ Р. Р. Фасмер, *Два клда куфических монет*, Труды нумизматической комиссии, VI, Л., 1927, т. 2 29.

³² «Արաբական աղբյուրները Հայաստանի և հարևան երկրների մասին», կադմեց 2. Թ. Նալբանդյան, т. 2 29, 142։ Ա. Տեր-Ղևոնդյան, *Արաբական ամիրայությունները Բագրատունյաց Հայաստանում*, Երևան, 1965, т. 2 97, 287.

³³ В. В. Бартольд, *Сочинения*, том III, Работы по исторической географии, М., 1965, т. 2 372—373.

որ մինչև IX դարի կեսը Պարտավի անունով թողարկվել են միայն պղնձյա դրամներ, ապա IX դարի երկրորդ կեսից, մասնավորապես հիշրայի 267 (880—81) թ., Պարտավի անունով արծաթ դրամների հանդես գալը թույլ է տալիս ենթադրելու, որ նախապես (197—220 թվերին) եղած *مد يند انا* տեղանունը դարձել էր ավելի կոնկրետ և ներկայացվել էր արդեն որպես *مد يند* (Պարտավ): Քաղաքային կյանքի զարգացումը և ընդհանրապես քաղաքների դերի նշանակության բարձրացումը IX դարի վերջերին հավանական է դարձնում նրանց անունով արծաթ դրամների մասսայական թողարկումը, որոնք շրջանառության մեջ միջազգային տարածում ունեին: IX դարի վերջին Պարտավում թողարկված աբբասյան դրամները իրենց առանձին օրինակներով հաղորդում են խիստ հակիրճ, վարչա-տերիտորիալ բնույթի լրացուցիչ տրվյալներ: Այսպես օրինակ՝ այահյանվել են հիշրայի 267 (880—81)³⁴, 270 (883—84)³⁵ և 277 (890—91)³⁶ տարեթվերով, խալիֆ ալ-Մուտամիդի ու նրա գահաժառանգ Եղբոր՝ ալ-Մուվաֆֆաթ Բիլլահի անունով արծաթ դրամներ, որոնց վրա արձանագրված է *ضرب هذا الدرهم بامر ميمون* («...դրվագրված է այս դիրհեմը Արմինիայում...»): Միաժամանակ այդ նույն արծաթ դրամի կենտրոնում նշված է Պարտավ քաղաքի անունը՝ *مد يند*: Սովորաբար Արմինիայում թողարկված աբբասյան դրամների վրա Պարտավի կամ որևէ քաղաքի անունը չէր հիշատակվում: Այս արտակարգ հիշատակությունը ցույց է տալիս, որ տրադիցիան խախտվել էր և Դվինից բացի նահանգի անունով արծաթ դրամներ կարող էին թողարկվել Պարտավ բաղադրում: Վերջինիս անունը արձանագրված է հատուկ ձևով խալիֆի՝ ալ-Մուտամիդ Ալալահի *علي المعتمد* պատվանվան տակ:

Հայկական քաղաքներից դրամներով հիշատակված է նաև Բիթլիսը, որի անունը զրոյմված է հիշրայի 301 (913—14) թ. Աբբասյան խալիֆ ալ-Մուկտադիր Բիլլահի (295—320=908—932) հրամանով թողարկված արծաթ դրամի վրա³⁷: IX—X դարերում Հայաստանից դուրս, սակայն հայկական բնակչություն ունեցող քաղաքներից աբբասյան դրամներ թողարկվել են նաև հիշրայի 304—323 (916—17=934—35) թ.՝ Ամիդում³⁸, 312 (924—25) թ.՝ Մարդինում³⁹ և 253—334 (867—945) թ.՝ Մծբինում⁴⁰ *نصيبين*:

Արմինիա նահանգում VIII—X դդ. թողարկված աբբասյան դրամների աղյուսակները տե՛ս «Հանդեսի» հավելվածում:

³⁴ В. Тизенгаузен, № 2043; А. Марков, № 861А.

³⁵ Н. Nützel, I, № 1548.

³⁶ В. Тизенгаузен, № 2097; Н. Nützel, I, №№ 1549, 1550; А. Марков, № 876.

³⁷ В. Тизенгаузен, № 2898.

³⁸ Նույն տեղում, №№ 2252, 2284, 2402, 2403:

³⁹ Նույն տեղում, №№ 2304 (ոսկեդրամ):

⁴⁰ Նույն տեղում, №№ 1964, 1970, 1971, 1993, 2014, 2048, 2127, 2135, 2156, 2195, 2207, 2231, 2239, 2253, 2271—77, 2286, 2291 և այլն:

**ВЫПУСК АББАСИДСКИХ МОНЕТ В ХАЛИФСКОЙ ОБЛАСТИ «АРМИНИЯ»
В VIII—X ВВ.**

Х. А. МУШЕГЯН

(Р е з ю м е)

Со второй половины VIII в. денежное обращение в Армении вступило в новую фазу своего развития, связанного с распространением куфических монет Восточного Халифата. В главных экономических и военно-административных центрах междуречья Аракса и Куры чеканились медные и серебряные монеты аббасидского типа. Монеты выпускались по денежно-весовой системе Халифата. Основной единицей была серебряная монета (дирхем) с законным весом 2,97 г чистопробного серебра. На каждом экземпляре было обозначено религиозное изречение, характерное для мусульманского вероисповедания, а также данные о том, где и когда была выпущена монета. Арабские надписи на монетах исполнялись куфическим шрифтом строгого стиля. Аббасидские монеты армянского выпуска типологически не отличались от подобных монет, чеканенных в остальных областях аббасидского владычества. Золотые аббасидские монеты в Армении и прилегающих к ней краях Закавказья не выпускались. Массовый выпуск аббасидских монет в Армении наблюдается с конца VIII в. Дирхемы чеканились не только в Двине и Партаве, но и в ал-Харунии, Харунабаде и Мааден-Баджунейсе. Типологические данные аббасидских монет VIII—IX вв., выпущенные в Армении, позволяют судить о хронологии арабских правителей эпохи Аббасидов. Кроме чисто религиозных изречений мусульманского толка, на них обозначены имена халифов, престолонаследников и местных эмиров. Медные аббасидские монеты, чеканенные в городах Закавказья, являются важными памятниками, отражающими экономические связи в сфере внутренней торговли. Как всегда, таковые выпускались для обслуживания потребностей местного рынка. Показания аббасидских фельсов армянского чекана важны для наблюдения местных особенностей истории VIII—IX вв.

Нумизматические данные об аббасидских монетах, выпущенных в области Арминия в VIII—X вв. см. в приложении журнала.